

政府公報

(影印本)
第九十九冊

一九一六年十二月

第 342 号 至 355 号

中國第二歷史檔案館整理編輯
上海書店發行
南京古舊書店發行
華東工學院教學服務中心影印

中華民國五年十二月十六日星期六第三百四十二號

印 鑄 局 發 行

北京東長安牌樓王府井大街
電話東局二百零一號

政 府 公 報

●印鑄局發售民國行政統計彙報廣告

是書乃國務院統計局所編纂版權讓與本局內容分財政交通等十餘類每類細分章節或用表式或用記述綱舉目張於民國以來行政大要備舉無遺吾國有統一的統計當以此書爲嚆矢誠現今最有利用之書不可不人手一編財政一類前已接日登載公報附錄茲爲便利閱者起見另印單行本計一冊售大洋四毛外埠另加郵費一角其餘各類陸續付印書出無多先睹爲快者幸速購取

目錄

命令

大總統令

部令

交通部訓令二則

交通部指令

陸軍部指令

稅務處令

處令

公文

呈

內務次長代理部務謝達函呈

大總統核議山西省議

會諸將安邑縣知事回駐安邑舊治縣佐移駐運城案據

請照准文

陸軍總長段祺瑞呈

大總統直隸巡防步兵二營中哨六

楊正兵張立芳干犯軍紀依律擬處死刑文

蒙藏院總裁貢桑諾爾布呈

大總統請接襲哲里木盟

利爾沁左翼中旗四等台吉開單呈請文

全國水利局副總裁潘復呈

大總統奉令履勘江蘇運

河水道利病情形統籌施工計畫概要文

全國水利局副總裁潘復呈

大總統陳述江北運河水

利及淮河沂沭利害關係施工計畫圖說文

河南省長田文烈呈

大總統彙報本年十月十一月分

委用各縣知事員缺文(附單)

內務部咨呈國務院市政公所核復高得障等呈請緩修城

咨

垣一案礙難照准請查照文

內務部咨

外交部

各省長鈔發稅務處咨竣本年七八九三箇月份

各口洋藥進口復出口數目總表咨行查照文

內務部咨

陸軍部

各省長烈士黃鍾傑應否恢復照大軍校給

郵原案應由陸軍部核辦文

內務部咨

江蘇省長

張黃學局等呈武進縣煙禁廢弛一案

請派員查復文

內務部咨

庫倫都護

使都護副使佐理員張慶桐呈竣禁

煙章程請核一案轉令該員准予備案文

內務部咨

熱河都統

柯發縣知事盧宗白等屬任狀請查照

發給并將收到日期各員履歷報部文

稅務處咨

復農商部

行財政部上海中華興記廠機製香皂准援機製

洋貨暫行稅則稅文

公函

大理院復

浙江高等審判廳函

(統字第五百四十七號)

大理院復

貴州高等審判廳函

(統字第五百四十八號)

大理院復

安徽高等審判廳函

(統字第五百五十一號)

通告

廣

附錄

更正

廣告

廣

告

奉 命 令 錄

大總統令

大總統令

劉友才晉給二等文虎章此令

大總統印

中華民國五年十二月十五日

國務總理 段祺瑞
陸軍總長

大總統令

顏德慶晉給三等嘉禾章此令

大總統印

中華民國五年十二月十五日

國務總理 段祺瑞

大總統令

丁士源給予三等文虎章此令

大總統印

中華民國五年十二月十五日

國務總理 段祺瑞
陸軍總長

大總統令

佐藤三郎給予四等嘉禾章此令

大總統印

中華民國五年十二月十五日

國務總理 段祺瑞

大總統令

汝人鶴唐甘泉吳心穀蕭俊生嚴智崇吳勳訓均給予四等嘉禾章此令

大總統印

中華民國五年十二月十五日

國務總理 段祺瑞

大總統令

王肇基給予四等文虎章此令

大總統印

中華民國五年十二月十五日

國務總理
陸軍總長 段祺瑞

大總統令

陸軍總長段祺瑞呈准鎮白旗滿洲都統瑞豐等請以次欽布貴興其衆增林炳驍騎校應照准此令

大總統印

中華民國五年十二月十五日

國務總理
陸軍總長 段祺瑞

大總統令

兼署福建省長李厚基電呈政務廳長張珩勸復自用人地不宜請予免職等語據珩著即免職此令

大總統印

中華民國五年十二月十五日

國務總理
內務總長 段祺瑞

政府公報 命令

十二月十六日第三百四十二號

大總統指令第六百二十六號

令陸軍總長段祺瑞

呈擬給威寧蒲圻兩縣剿匪出力弁兵各等獎章由
呈悉梁世智等均准如所擬給獎此令

大總統印

中華民國五年十二月十五日

國務總理
陸軍總長 段祺瑞

大總統指令第六百二十七號

令陸軍總長段祺瑞

呈核准領催玉普堪以請補崇文門門吏員缺由
呈悉准予陞補此令

大總統印

中華民國五年十二月十五日

國務總理
陸軍總長 段祺瑞

大總統指令第六百二十八號

令陸軍總長段祺瑞

呈續擬頒給駐蒙四署文武各職員暨廣東王肇基等勳章由
呈悉王肇基已有令明發楊福魁等均准如所擬分別給章此令

大總統印

中華民國五年十二月十五日

國務總理 段祺瑞
陸軍總長

大總統指令第六百二十九號

令蒙藏院總裁貢桑諾爾布

呈囑勒丹錫呀圖呼圖克圖請假學經由

呈悉准其給假一年此令

大總統印

中華民國五年十二月十五日

國務總理 段祺瑞

部令

交通部訓令第一七五九號

唐山工業專門學校校長唐文治
上海工業專門學校校長唐文治
交通傳習所所長陸夢熊

查上海唐山兩工業專門學校及交通傳習所爲本部育才機關歷年辦理成績可觀然向來所定鐵路學科於管理工程機械三門未盡劃分完善現擬改訂辦法上海學校專授鐵路工程科唐山學校專授鐵路機械科其交通傳習所改爲二校一爲鐵路管理學校一爲郵電學校以期作育專才劃清系統爲此令仰該校遵照即將分配學生編訂課程及一切應辦事宜准於年內妥議呈核核奪限於民國六年一月實行仰即遵照（令上海加此條其上海原有電氣機械仍照舊辦至小學班均照舊辦此令）（令唐山加此條其唐山原有土木工科仍照舊辦此令）

部印

中華民國五年十二月十二日

交通總長許世英

交通部訓令第一七八九號

唐山工業專門學校校長唐文治
上海工業專門學校校長唐文治
交通傳習所所長陸夢熊

查本部各校每年於舊班畢業後恆有添招新班之舉或學生請願轉班或此舉事理當然照章辦理惟班次增減名額盈缺本部必須調查明確方可統籌兼顧嗣後各校招考新班或招考插班均應先行呈明本部核准方可舉辦除分令外爲此令仰各校一體遵照此令

部印

政府公報 命令

十二月十六日第三百四十二號

中華民國五年十二月十三日

交通部指令第二一三八號

交通總長許世英

令津浦鐵路管理局局長王家儉

呈一件呈報遵章實行改組日期請鑒核由

據呈稱改組就緒遵章實行益當督促員司勤供厥職等情深堪嘉慰仰即督同各員實心任事以肅路政並轉諭各員益加奮勉共同負責所有該路支出不敷之二百萬元務於此一年內設法將支出力求節省收入力求增加以期收支通合而免虧折是所至望此令

部印

中華民國五年十二月十四日

交通總長許世英

院令

蒙藏院指令第 號

令署印甘珠爾其呼圖克圖之阿喇旺彥林丕勒

呈一件請獎勵隨赴各旗整頓廟務在事出力各喇嘛及文牘譯繕等員由

據呈已悉查喇嘛整頓廟務為通常應盡之職責向無據此請獎之例如果具有微勞應由該管喇嘛酌量記功或升補以資鼓勵至所開之文牘譯繕等係該喇嘛自行聘雇之人無論官私各廟均無此類名目尤未便濫邀獎叙所請應毋庸議合令遵照此令

院印

中華民國五年十二月十一日

蒙藏院總裁電奏諸爾布

處令

稅務處令

令 各關監督
總稅務司

准農商部咨稱據上海中華興記皂廠呈稱竊商廠開設在上海美租界兆豐路岳州路東首地方專營仿造東西洋各種花露黑香皂事業自創設以來悉心研究精益求精故所有出品之五彩美女手牌商標之鋼盒花露黑香皂蠶月兔紫花美人麒麟弓箭花球燈牌獅牌鷹牌飛艇蜜蜂等商標之上等桂花香皂以及花牌檀香桂花小香皂等共有四種香味耐久品質細膩行銷以來頗蒙各界歡迎銷路漸臻發達惟納稅過重成本亦鉅輸運外埠因之窒礙查各省機器仿造洋貨一律暫照值百抽五完納正稅一道沿途概免重徵上海華豐德成兩皂廠遠辦在案商廠事同一律自應援案遠辦以便輸運而利推銷謹將香皂出品十四種及商標圖式一併送部懇援案轉咨稅務處查核成案准予完納正稅一道沿途概免重徵以恤商艱等情並附呈香皂商標等到部查該皂廠所請准予完納正稅一道沿途概免重徵核與成案尚屬相符應檢具原呈香皂十四種商標一冊咨請核辦見復等因前來本處查華商川機器仿製洋式香皂完一值百抽五正稅餘免重徵如上海華豐等廠經本處核准有案茲中華興記皂廠援案聲請自可照准所有上海中華興記皂廠機製前列各商標之香皂於運銷時應報由江海關徵一切貨值百抽五正稅給予運單沿途經過各關卡祇驗明單貨相符並無影射夾帶及漏稅等情弊即予放行除崇文門落地稅外不再重徵稅釐此外如繳單期限及一切辦法均按照本處修正簡章辦理惟此係暫行辦法將來中英續訂商約第八款內第九節實行或機製貨品稅法另有變通之處該香皂廠亦應一律改照辦理除分行外相應令行各關監督各關稅務司遵照

政府公報 命令

十二月十六日第三百四十二號

照辦理此令

中華民國五年十二月九日

公 文 彙

呈

內務次長代理部務謝遠涵呈
駐運城案擬請照准又

大總統核議山西省議會請將安邑縣知事回駐安邑舊治縣佐移

爲核議山西省議會請將安邑縣知事回駐安邑舊治縣佐移駐運城一案仰祈鑒核事竊奉准國務院交山西省長孫發緒呈晉省議會請將安邑縣知事回駐安邑舊治縣佐移駐運城據情轉呈一案應由貴部核辦等因並准該省咨同前因各到部查原呈內稱准山西省議會咨據議員馬養蕃提議以運城既設道尹鹽運使等署實無移駐知事之必要不如回駐安邑縣爲適中於行政司法諸要端均形便捷其縣佐一缺擬即仿照前解州州判分駐故事改駐運城藉資佐治等語查此案於上年三月間曾由本部核議山西巡按使呈擬裁清源平順馬邑三縣及安邑縣移駐一案呈奉 大總統批准如所議辦理在案茲該省長既以議會議決該縣移駐年餘徵諸地方輿情諸多不便實以運城僻處西南東北各鄉距離甚遠難庶政繁劇鹽務防務在在胥關緊要現既駐有道尹運使等署自足以資鎮攝安邑知事委無移駐運城之必要回駐舊治地屬適中因事制宜洵多便利其縣佐一缺擬仿照前解州州判分駐故事改駐運城一節亦可得就近指揮於該處地方行政不無裨益擬請一併照准以資治理而順輿情所有核議山西安邑縣知事回駐舊治縣佐移駐運城緣由理合具文呈覆是否有當謹乞 大總統鑒核訓示施行謹呈五年十二月十三日已奉 指令

陸軍總長段祺瑞呈 大總統直隸巡防步兵二營中哨六棚正兵張立芳千犯軍紀依律擬處死刑文爲兵士槍殺長官致死依律擬處死刑呈請鑒核事案准直隸省長朱家寶咨陳內稱巡防步兵二營中哨六棚正兵張立芳隨同該營管帶李玉海由天津領餉回營行至中途該管帶見張立芳軍械破壞向其詈罵張立芳出言頂撞該管帶怒言回營後要將伊槍斃張立芳情急隨自落後用槍向該管帶所坐車內連放兩響擊中該管帶背脊近下透出胸前登時身死什長陳得仲等立將張立芳捆縛由屍屬報經交河縣知事并該管

十一

十二月十六日第三百四十二號

潘統領派員檢驗呈報到署飭交發審處提案訊明前情無異其中別無主使及其他項事故擬將該犯兵張立芳依暫行新刑律第三百一十一條及第三百一十二條判處死刑併予槍斃附錄判決書請核轉等因前來查刑律第三百一十一條係規定普通殺人罪其第三百一十二條則專為殺死尊親屬者而設復查律載文例凡稱尊親屬者指祖父父母高曾及父母而言惟妻對於夫之尊親屬與夫同此外不能例視本案管帶李玉海雖為犯兵張立芳長官確非尊親屬張立芳將李玉海槍殺致死自不能援照第三百一十二條殺死尊親屬處斷原判並引第三百一十一條及第三百一十二條科罪辦理未盡妥協亟應由部更正巡防步二營中哨六棚正兵張立芳槍殺該管管帶李玉海致死之所為擬專依刑律第三百一十一條判處死刑仍予槍斃是否有當理合附繕判決書呈請鑒核示遵謹呈五年十二月十三日已奉 指令

蒙藏院總裁貢桑諾爾布呈

大總統請接鑒哲里木盟科爾沁左翼中旗四等台吉開單呈鑒文

為請鑒哲里木盟科爾沁左翼中旗四等台吉開單呈仰祈鈞鑒事准哲里木盟副盟長科爾沁左翼中旗扎薩克和碩達罕親王那木濟勒色楞額呈稱本旗四等台吉喇什等三十七員病故茲給具各該員家譜呈報鈞院鑒核准予照例承襲等因到院查該已故四等台吉喇什等三十七員所遺之缺例應揀員承襲今據該扎薩克親王具報前來覆核家譜均屬相符應請一律照准承襲所有請襲員名理合開具清單呈乞鈞鑒訓示施行謹呈五年十二月十二日已奉 指令

全國水利局副總裁潘復呈

大總統奉令履勘江蘇運河水道利病情形統籌施工計畫概要文

為陳報奉 令勘察江蘇運河水道利病情形統籌施工計畫概要仰祈鈞鑒事竊復奉 令履勘江蘇運河前於九月十四日攜同高閣工程師技正等員由京出發並分調江淮水利測量主任兩運籌辦處測量主任隨行勘察節經呈報在案初抵山東覆勘魯運洩泗本年最高水位兼核下半年測量成果期於江蘇水道情形統一規畫嗣准江蘇省長准派丁紳寶銓黃紳以霖周紳樹年武紳同泰陳紳伯盟並令委江北運河工程局總辦馬士杰宿礪徵收局長王寶槐水利處主任任國樸偕同履勘復先期親詣銅沛考察微山湖利

病所在更以運主統籌既爲要旨蘇魯閘鍵兩宜瞭然特又電約蘇中官紳紆道至魯乃於十月三日齊集於韓莊同觀微湖雙開遂由韓莊沿運南行而台莊而黃林莊而灘上集紆道於沂水分流之盧口壩折由灘上集而歸灣而宿遷而劉老灣而雙金開十一日行抵淮陰考核江淮測量局歷屆成續溯觀洪澤湖本年最高水位及張福河廢黃河通淤形勢十三日宿臨河徑赴海州考察沂沭尾閘由王家營而大伊鎮而板浦而新浦登雲台山觀臨洪口逶迤至蔣徽河下游復由大伊鎮而响水口而陳家港而灌河口直達海港考察水利與鹽場關係回勸武障龍溝復返淮陰二十三日由淮陰南下閱視高寶汎水諸湖而子嬰閘而車邏諸壩而江都出瓜州口取道大江由三江營歷觀歸江十壩二十六日過鎮江抵南京會同江蘇省長召集會議計白魯入蘇水陸兼程舟車並御往返二千餘里歷時經月除調查家壩以下之荆山河周家口以下之路馬湖特派工程師測量主任視察外舉凡與運具有關鍵之河流微脈索源略得要領沿途接父老加意諮詢並與同行官紳究討論茲將江北水道利病情勢暨統籌計畫概要謹爲我大總統縷晰陳之查江北一隅舊屬淮揚徐海其地泰半隸於禹貢徐揚二州淮沂其又厥績已暨近數百年來行水之役鉅要工程殆不出此區域之內良以淮沂沭泗綜錯交橫而黃河自明昌之際奪淮東下江海大勢與時推移運河本以人造河渠吸納衆流以致其用國家富全盛之時置吏設官不惜以萬鈞之力締造經營謀其利然其利害相乘間不容髮自銅瓦廂黃河北徙江北水道之形勢一變鄭家屯黃河南決灌墊洪澤及微山諸湖江北水道之形勢又一變天演日亟而人事之因應反以日疏劉王雲梯中塞淮路無歸運渠就運酒沂莫制漫淫醴醴致有丙午之奇災國計民生殘耗無藝今之徐海一帶議賑捐歲以爲常卽淮揚所稱東南財賦之區者觀於本年淮湖暴漲下河災變實亦處於岌岌不可終日之勢也上承德命固以治運爲勸籌之揭鑒然全局所關深知枝節補苴事必無濟故於山東運河審注洩泗來源徵其善洩之準一入蘇境直接所重者在沂間接所重者在沭清江以下則淮河狀態及洪澤高寶諸湖之容量尾閘入江之大小遲速加意考察徵實爲比例然後源流易晰脈絡易明計畫乃有可言討論不致歧誤就山東運河計畫觀之分疏洩泗意在消除暴漲導汶北行濟

寧以南即不使發生若何影響泗水流量比之淮沂十不逮一又有獨山南陽昭陽微山諸湖爲迴旋停注之地操縱得宜足資利濟蘇魯關鍵所應注意者祇在微山一湖湖制尙存即謂閘多淤墊稍事更張正宜兼權上下游利病重輕定其標準則不失交通之利勿貽農田之災委之工程專家自易解決復舉拳之愚所謂江北運河水利根本計畫者曰沂曰沭曰淮而已此而能治無論爲運泗水蓄洩何如決非所患此而不治即使泗水絕其來源徐海皆墊絕不因之減免可斷言也抑所謂治沂治沭治淮之方者曰分曰疏曰消除異漲面已議申言之沂水發源於山東蒙沂諸山下合溪諸泉流經郯城西境至齊村入江蘇舊由駱馬湖與泗水同流入淮自黃河奪淮兼奪沂泗沂道大阻遂由駱馬湖經六塘以入海道駱馬湖淤墊廬口壩衝圯入湖之路復阻乃由邳境西侵以爭運據近年測量報告廬口壩每秒流量最大至一千九百立方米突占全部十分之八而強運受沂侵厥病固重沂行遲道亦非能容於是由九龍廟五花橋分洩甚且冲刷劉老閘滾壩周紆泛溢仍以六塘爲歸壙無如六塘年久失修深淺不一寬狹不均下游之武障龍溝又經鹽河築壩阻其歸海之路運與六塘蓋兩病之徐海之災遂不堪問爲今之計將廬口劉老閘各壩整修使沂幹分流暢之入海即不能規復駱馬湖泗水舊制而以灌河口門寬至一千二百米突合之中尺約近四百丈深度在海平面七米突以下除去潮水抗力每秒平均可有四千立方米突之流量沂水得此尾閘綽有餘裕今於廬口壩附近籌築地形參諸故道準所需過水之量開闢新渠直達六塘同施疏濬並當改良武障龍溝築壩制度交利鹽農永除昏墊所謂分沂者此其一也沂既分矣然與沂有連帶之關係者莫甚於沭沭水發源於沂山三泉與沂源相近上游流向與沂成一平線普通言水道者往往以沂概沭不知沭上游有閘嶺限之爲天然水界至郯城東境入江蘇爲大沙河經青伊湖舊微河至臨洪口入海東西離合初本晰然迨青伊淤墊舊微就湮上游大沙河之身既寬傾斜又急下行不暢旁溢乃滋故沭當盛漲之際往往由紅花埠一帶西注柳溝壩河以病沂而沂入總六塘節節障塞其一部分又往往漲出凌溝口經沙礮河以病沭甚至北六塘壩壅倒灌柴米河至沐城附近交浸互灌時有所聞水道災區愈以紊亂往之論沭者以其利害屬於海沭運輸一隅規